

समे .1815

<><><><><><>

Headlines

प्रधानमंत्री नरेन्द्र मोदी होरें आखेआ ऐ जे भारत, हर आतंकवादी ते उसी मदाद देने आहलें दी पन्छान करियै उं'दा पता लाग ते उं'नेंगी पक्क गै सजा देग।

2. उधमपुर जिले च आतंकवादिऐं कन्नै होऐ दे टाक्करे च फौज दा इक जवान शहीद होई गेआ ऐ। लेफ्टिनेंट गवर्नर मनोज सिन्हा होरें शहीद जवान गी श्रद्धांजलि अर्पित कीती।

3. जम्मू-कश्मीर सरकार दे नमीं दिल्ली च स्थित रेज़ीडेंट कमिशन नै देसै च पढ़ाई करै करदे जम्मू-कश्मीर दे विद्यार्थिऐं लेई हेल्पलाईन स्थापित कीती ऐ।

4. भारत सरकार आसेआ पाकिस्तान कन्नै कीती गेदी सिंधु जल संधि गी मुअत्तल कीते जाने दा जम्मू-कश्मीर, खासकरियै जम्मू संभाग च मुकामी लोकें ते सैलानिएं बी बड़ा मता सोआगत कीता ऐ।

प्रधानमंत्री नरेन्द्र मोदी होरें अज्ज आखेआ ऐ जे भारत, हर आतंकवादी ते उसी मदाद देने आहलें दी पन्छान करियै उं'दा पता लाग ते पहलगाम हमले दे दोषियें गी पक्क गै सजा देग। उं'ने आखेआ जे आतंकवाद गी बख्शेआ नेई जाहग ते भारत, दुनिया दे कुसै बी कोने थमां आतंकवादिऐं गी तुप्पी कड्डोग। श्री मोदी होरें राश्ट्री पंचैती राज दिवस दे मौके उप्पर अज्ज बिहार दे मधुबनी जिले च इक जनसभा गी संबोधित करदे होई आखेआ जे आतंकवाद करी देशै दा जज्बा कर्दे नेई त्रुट्टोग। उं'ने आखेआ

प्रधानमंत्री नै आखेआ जे न्याऽ जकीनी बनाने लेई हर मुमकन जतन कीते जाडन ते पूरा देश इस धेइये पर मजबूती कन्नै खड़ोते दा ऐ। उं'ने जोर दिं'दे होई आखेआ जे मनुक्खता च विश्वास रक्खने आह्ला हर इक व्यक्ति भारत दे कन्नै खड़ोते दा ऐ। श्री मोदी होरें भारत दे प्रति इकजुटता दस्सने लेई पूरी दुनिया ते दुनिया भरै दे नेताऐं गी धन्नवाद कीता। श्री मोदी होरें आखेआ जे देसै दे 140 करोड़ लोकें दी इच्छेआशक्ति दे कन्नै अस आतंकवाद गी पक्क गै खत्म करगे।

<><><><><><>

Encounters

उधमपुर जिले च सुरक्षाबलें दे तपाशी अभियान दरान अज्ज आतंकवादिऐं कन्नै टाक्करा होआ जेह्दे च फौज दा इक जवान शहीद होई गेआ। आकाशवाणी दे जम्मू संवाददाता दी रिपोर्ट मूजब, इलाके च आतंकवादिऐं दी मजूदगी बारै इक पक्की सूह् थोने परैन्त सुरक्षाबलें आसेआ डुडु-बसंतगढ़ च घेराबंदी ते तपाशी अभियान चलाया गेदा हा जिस दरान एह टाक्करा होआ। सुरक्षाबलें दे जवान जि'आं गै संदिग्ध थाहरै कश पुज्जे तां उत्थे छप्पे दे आतंकवादिऐं उं'दे पर गोलीबारी शुरु करी दित्ती जेह्दे सुरक्षाबलें गी तुरत बनकदा परता दित्ता ते टाक्करा शुरु होई गेआ। सुरक्षाबलें दा अभियान अजें जारी ऐ। इस बारै च होर ब्यौरा देआ करदे न साढ़े उधमपुर जिला संवाददाता

तोआई लेफ्टिनेंट गवर्नर मनोज सिन्हा होरें उधमपुर च आतंकवाद-रोधी अभियान दरान देसै लेई सर्वोच्च बलिदान देने आहले फौज दे हवलदार झांटु अली शेख होरें'गी श्रद्धांजलि अर्पित कीती। तोआई फौज दी रोमियो फोर्स ते एसओजी आसेआ पुंछ जिले दे लसाना इलाके च आतंकवादिऐं दी घर-फगड़ लेई अज्ज उप्परोतली 10में ध्याड़े बी अपना अभियान जारी रक्खेआ। इस्सै चाल्ली दा अभियान दक्खनी कश्मीर दे कुलगाम जिले हेठ पौने आहले टंगमर्ग इलाके च बी चलाया जा'रदा ऐ। एह्दे शा पैहले उत्थे सुरक्षाबलें ते आतंकवादिऐं बश्कार जंदी सं'झां

गोलीबारी होई ही। इलाके च आतंकवादिं दी मजदूरी बारै सूह थोने परैन्त जंदी संज्ञां सुरक्षाबलें आसेआ उत्थे घेराबंदी ते तपाशी अभियान चलाया गेआ हा। फौज, सीआरपीएफ ते जम्मू-कश्मीर पुलस दी सांझी टीमै कल चिरे राती अपना अभियान रोकी दित्ता हा पर अज्ज बड्डलै लोऽ हुं दे गैएह अभियान फही शुरु करी दित्ता गेआ।

<><><><><><>

जंदी संज्ञां लैते गेदे इक्क ऐतिहासिक फैसले दे तैहत्त भारत सरकारै, पाकिस्तान दे कन्नै कीती गेदी सिंधु जल संधि गी मुअत्तल करी दित्ता ऐ। पाकिस्तानी आतंकवादिं आसेआ पैहलगाम च बेदोसे सैलानिं गी निशाना बनाए जाने दी पच्छोकडै च भारत सरकार आसेआ पुट्टी गेदी इस गैह दा जम्मू-कश्मीर, खासकरियै जम्मू संभाग च चिनाब दरेया दे कंडूटे रवैरदे मुकामी लोकें ते सैलानिं बी बड़ा मता सोआगत कीता ऐ। मुकामी बसनीकें ते सैलानिं अज्ज चिनाब दरेया दे कंडूटे किट्ठे होइयै इस फैसले दे प्रति अपना समर्थन जताया ते आखेआ जे बड़ी पैहले गै पाकिस्तान दे खलाफ एह गैह पुट्टी लैती जानी लोडचदी ही। केई सारे लोकें इस फैसले गी पाकिस्तान गी इक्क सख्त संदेस देने ते भारत दे संप्रभुता आहले अधिकारें दी राक्खी दी दिशा च पुट्टी गेदी इक्क लाजमी गैह करार दित्ता ऐ। आकाशवाणी समाचार कन्नै इस बारै गल्ल करदे होई 2 मुकामी बसनीकें आखेआ

<><><><><><>

IEC-Poonch

जिला विकास आयुक्त पुंछ विकास कुंडल हुंदी हिदायत तैहत्त सेहत्त मैहकमे नै तम्बाकू दे इस्तेमाल कन्नै होने आले नुक्सान बारै जागरूकता बधाने दे मकसद बारै इक्क आईईसी इनफरमेशन एजुकेशन च क्यूमनीकेशन कार्यक्रम दा सरिस्ता कीता। उहदे च इस सेहत्त गी नुक्सान पजाने आले पार्थ बारै जानकारी दित्ती जाग जेहूदे आस्तै लोकें तोड़ी राबता कायम कीता जाग। एह जागयकता कार्यक्रम गौरमेंट हायर स्कैंडरी स्कूल साब्जिया ते गौरमेंट हायर स्कैंडरी स्कूल इस्लामाबाद च कीता गेआ। इस दरान स्कूली अमले ते छात्रें खरी मती गिनतरी च हिस्सा लैता। खास जानकारी डॉ. अली मोहम्मद ते लक्ष्मी देवी होरें किट्ठे गी संबोधत करदे होई आखेआ जेसारेंगी तम्बाकू कन्नै होने आली बमारिं बारै जानना जरूरी ऐ, खास करियै नोजवानें गी।

<><><><><><>

Helpline

जम्मू-कश्मीर सरकार दे नमीं दिल्ली च स्थित रेजीडेंट कमिशन नै देसै च पढ़ाई करै करदे जम्मू-कश्मीर दे विद्यार्थिं लेई इक्क हेल्पलाईन स्थापित कीता ऐ। इस सरबंघै च जारी इत्तलाह मूजब, देसै दे बक्ख-बक्ख हिस्से च पढ़ाई लेई रवै करदे जम्मू-कश्मीर दे विद्यार्थी कुसै बी मदाद लेई इनें टेलीफोन नम्बरें पर राबता करी सकदे न। नम्बर इस चाल्ली न

हेलो जेके मोबाईल नम्बर : 7303620090

मैनेजर जेके हाउस चाणक्यपुरी : 9682389265

मैनेजर जेके हाउस 5 पृथ्वीराज रोड : 9419158581

रेजीडेंट कमिशन जेएंडके गर्वनमेंट न्यूज दिल्ली: 011-24611108, 011-24615475, 011-24611157

011-26112021 ते 011-26112022

एह सभै नम्बर हर रोज 24 घैंटे उपलब्ध होडन।

<><><><><><>

जम्मू कश्मीर कला संस्कृति ते भाषा अकादमी ते अपनी “अक मलाटी” शृंखला च राईटर क्लब च पदमश्री प्रोत्र ललित मंगात्रा हुंदे कन्नै कार्यक्रम दा सरिस्ता कीता। इस मौके प्रो. वीणा गुप्ता होरें प्रो. मंगात्रा हुंदी डोगरी साहित्य च उपलब्धिं ते योगदान पर पेपर पढ़ाया। इस मौके प्रो. वीणा गुप्ता होरें आखेआ

<><><><><><>

शेरे कश्मीर एग्रीकल्चर सांईस च टैक्नालोजी यूनिवर्सिटी जम्मू स्कास्ट दे विस्तार निदेशालय नै डीलरें आस्तै एकीकृत पोषक तत्व प्रबंधन पर 15 रोजा सर्टिफिकेट कोर्स शुरू कीता एणे, कोर्स कृषि विज्ञान केन्द्र, पुंछ दे प्रमुख सांईसदान डॉ. अजय गुप्ता हुंदी दिक्ख-रिक्ख च शुरू कीता गेआ ऐ। डॉ. गुप्ता होरें कार्यक्रम च हिस्सा लैने आलें सुआगत कीता ते इस प्रशिक्षण कार्यक्रम दी महत्वा पर लोह पाई। उनें आखेआ जे डीलर ते खुदश चीजां बेचने आले करसानें गी सेई ढंगै खाद्य इस्तेमाल करने आस्तै प्रोत्साहन देने च खरी मती भूमका नभांदे न। डॉ. गुप्ता होरें आखेआ.....बाईट

<><><><><><>

